



Comunu de Bauladu
Comune di Bauladu

VERBALE DE DELIBERATZIONE DE SU CUSSIGIÙ COMUNALE

NÙMERU 33 DE SU 25/11/2019

OGETU:	APROVATZIONE E ANNOAMENTU DE SU PROGRAMMA DE IS ACHISTOS DE BENES E SERVÌTZIOS PRO SU 2019-21 E DE S' ELENCU ANNUALE 2019 (ART. 21 D.LGS N. 50/2016)
---------------	---

S'annu duamìgiadeghennoe, in die bintichimbe, de su mese de santandria, a is 7 de merie in sa Domo Comunale de Bauladu, cramadu dae su Sìndigu cun lìteras iscritas cunsignadas a norma de lege, si est reunidu in sessione ordinària e pùblica, de prima cunvocatzione, su Cussìgiu Comunale in is persones de is Sennores:

Davide Corriga	P	Giovanni Battista Pes	P
Chiara Palmas	P	Anna Maria Pintus	P
Marta Dessì	P	Anna Matzutzi	A
Elia Zucca	P	Rita Soru	P
Carmine Consolo	P	Martina Atza	P

Cussigeris chi pigant parte: nr. 9

Cussigeris ausentes: nr. 1

Partètzipat a sa reunione sa Segretària, Dott.ssa Donatella Mancosu.

Su Sìndigu Dott. Davide Corriga assumet sa presidèntzia e constatadu su nùmeru legale de is intervènnidos pro pòdere in manera vàlida deliberare, decrarat aberta sa reunione.

SU CUSSIGIÙ COMUNALE

Premìtidu chi:

- s'art. 21 de su D.Lgs. n. 50/2016 "*Programma de is achirimentos de is istatziones apaltantes*" previdet chi is amministratziones binchidoras adotent su programma biennale de is achistos de fruniduras e servìtzios de importu unitàriu istimadu pari o superiore a 40.000 €, e puru is aggiornamentos relativos anuales, in su respetu de is documentos programmadores e in coerèntzia cun su bilantzu e is normas chi pertocant sa programatzione econòmicu-finantziària;
- chi pro is benes e servìtzios informàticos e de connessione, is amministratziones depent tènnere contu de su "*Pranu triennale pro s'informàtica*" dispostu dae s'Agèntzia pro s'Itàlia digitale in base a is disponimentos introdudos dae s'art. 1, comma 513, de sa L n. 208/2015;
- s'art. 1, comma 424, de sa Lege n. 232/2016 "*Bilantzu de previsionone de s'Istadu pro s'annu finantziàriu 2017 e bilantzu pluriennale pro su triènniu 2017-2019*" at prevididu s'òbligu de aprovatzione de su Programma Biennale de is achistos de benes e servìtzios a decùrrere de su bilantzu de previsionone pro s'esertzìtziu finantziàriu 2018, in dèroga a sa normativa vigente in is allegados a su bilantzu de is entes locales, istabilida dae su D.Lgs. n. 267/2000 e de su D.Lgs. n. 118/2011;

Bidu chi, pro su comma 8, de s'art. 21, de su D.Lgs. n. 50/2016 su Ministru de is infrastruturas e de is trasportos, de cuntzertu cun su Ministru de s'economia e de is finàntzias, at adotadu su decretu n. 14/2018 "*Regulamentu de is protzeduras e ischemas-tipu pro sa redatzione e sa publicatzione de su programma triennale de is traballos pùblicos, de su programma biennale pro s'achirimentu de fruniduras e servìtzios e de is relativos elencos anuales e aggiornamentos anuales*";

Pigadu àutu chi cun decretu de su Sìndigu n. 6 de su 01.07.2019 est istadu nominadu comente a Responsàbile de su servìtziu tècnicu s'Ing. Gabriella Contu e chi, in farta de àutu ispetzìficu chi nòminet unu referente de sa programatzione triennale de is traballos, programatzione biennale de is achistos de benes e servìtzios e de is relativos aggiornamentos anuales, tale còmputu est diretu dae issa etotu;

Pigadu àutu chi s'Ing. Gabriella Contu decrarat de non s'agatare in cuntierra de interessos de interessamentos cun s'ogetu de s'incàrrigu chi ddi est istadu atribuidu;

Fatu riferimentu la deliberatzione de Cussìgiu Comunale n. 41 de su 27.12.2018 chi tenet a ogetu: "Aprovatzione de su Bilantzu de Previsione Finantziàriu 2019/2021 e allegados relativos e sa deliberatzione de Giunta Municipale n. 102 de su 31.12.2018 relativa a s'aprovatzione de su Pranu Operativu de Gestione triènniu 2019/2021;

Cunsideradu chi in su DUP 2019-2021 gasi comente aggiornadu cun nota aprovada cun Deliberatzione de Cussìgiu Comunale n. 40 de su 27.12.2018 non fiant prevididos, pro is annualidades 2019-2021, servìtzios e fruniduras de importu superiore a € 40.000,00;

Bidu chi s'art. 7, comma 8, de su DM n.14/2018 istabilit chi is programmas biennales de is achistos podent mudare in su cursu de s'annu, definida s'aprovatzione apòsita dae s'òrganu cumpetente, in su respetu de cantu prevididu dae s'art. 21, comma 1, segundu perìodu, de su D.Lgs. n. 50/2016, in su casu chi is mudas pertochent:

- a) sa cantzelladura de unu o prus achistos giai prevididos in s'elencu annuale;
- b) s'aggiunta de unu o prus achistos in cunsighèntzia de àutos amministrativos adotados a livellu istatale o regionale;
- c) s'aggiunta de unu o prus achistos pro sa disponibilidade subravènnida de finantziamentos a intru de su bilantzu non prevedìbiles a s'ora de sa prima aprovatzione de su programma, in cue cumprèndidas is risursas ulterioaras disponìbiles fintzas a pustis de ribassos de asta o de economias;
- d) s'antitzipatzione a sa prima annualidade de s'achirimentu de una frunidura o de unu servìtziu incluidu in su programma biennale;
- e) sa modìfica de su quadru econòmicu de is achistos giai cuntemplados in s'elencu annuale, pro sa chi si fatzant netzessàrias risursas ulterioaras;

Bida sa deliberatzione de sa Giunta comunale n. 101 de su 25/11/2019 cun sa chi est istadu propostu s'aggiornamentu de su programma biennale de is achistos de fruniduras e servìtzios 2019 - 2020 e s'elencu annuale de is achistos 2019;

Cumproada sa netzessidade de sighire cun un'aggiornamentu de su mentovadu Programma biennale de is achistos 2019 - 2021 e prus pretzisamente de s'Elencu annuale 2019, chi pertocat su chi previdit s'art. 21 comma 1 de su D.Lgs 50 de su 2016 lìtera d) in cantu, de fronte a s'istabilidu in comintzu petzi pro faddina materiale, s'interventu de mantenimentu istraordinàriu de su pranu de is

interventos individuados pro mèdiu de su tzensu, sa catalogatzione e su compudu de is alberaduras printzipales in su Comunu de Bauladu est istadu postu in su pranu triennale de is traballos pùblicos aprovadu cun delibera de Cussìgiu Comunale n. 26 de su 12.08.2019;

Retentu duncas oportunu sighire cun s'aprovatzione de is mudas de annànghere a su Programma biennale in ogetu e a is allegados relativos;

Postu chi su comma 10, de s'art. 7 de su DM n. 14/2018 disponet chi is mudas a su programma sunt sugetas a is òbligos de publicatzione de chi a s'art. 21, comma 7 e 29, commas 1 e 2, de su D.Lgs. n. 50/2016;

DELÌBERAT

- 1) De aprovare s'aggiornamentu a su Programma Biennale de is achistos de benes e servitziios 2019 - 2020, e a is àutos relativos de programatzione (ispetzificamente: Ischema de su Cuadru de is risursas netzessàrias a sa realizatzione prevididas dae su programma (Ischema A), Ischema de s'Elencu de is achistos de su programma (Ischema B), Ischema de s'Elencu de is interventos presentes in sa prima annualidade de su programma biennale pretzedente e non torrados a propònnere e no ativados (Ischema C), chi s'allegant a s'àutu presente pro nde costituire parte integrante e sustantziale).
- 2) de dare mandadu a su responsàbile de su servitziu finantziàriu, acabadu s'iter de aprovatzione de su pranu presente, de aprontare is documentos de bilantzu 2019/2021 in lìnìa cun su documentu presente e de frunire sa cobertura finantziària idònea;
- 3) de dispònnere chi su presente documentu programadore vàriet in manera cunsighente sa nota de aggiornamentu a su DUP 2019-2021, aprovada cun Deliberatzione de Cussìgiu Comunale n. 40 de su 27.12.2018;
- 4) de dispònnere sa publicatzione de sa deliberatzione presente in s'Albo pretòriu in lìnìa pro 15 dies consecutivas, in sa sa pàgina web istituzionale de su Comunu in sa setzione "*Amministrazione Trasparente*" e puru sa trasmissione de sa matessi a su Cussìgiu comunale pro s'aprovatzione sua, pro is artt. 172 e 174 de su D.Lgs. n. 267/2000;
- 5) de dispònnere sa publicatzione, pro s' art. 5, comma 10, de su DM n. 14/2018, de su programma biennale e de is allegados relativos, gasi comente aggiornados in s'Albo pretòriu in lìnìa, in sa pàgina

web istituzionale de su Comunu in is setziones pertinentes de "*Amministrazione Trasparente*", in sa pàgina web de su Ministeru de is infrastruturas e de is trasportos e de s'Osservatòriu de chi a s'art. 213, fintzas tràmite is sistemas informatizados de is regiones e de is provìntzias autònomas de chi a s'art. 29 comma 4 de su D.Lgs. n. 50/2016.

Parre a subra de sa proposta: in òrdine a sa regularidade tècnica pro s'art. 49, comma primu, de su Decretu Legislativu 267/2000 e cambiamentos e integratziones sutzessivos.

Sa Responsàbile de su Servitziu
F.du Ing. Gabrilla Contu

Parre a subra de sa proposta: in òrdine a sa regularidade contàbile pro s'art. 49, comma primu, Decretu Legislativu 267/2000 e cambiamentos e integratziones sutzessivos.

Sa Responsàbile de su Servitziu
F.du Francesca Ara

Su verbale benit sutascritu gasi

Su Sìndigu
F.du Dott. Davide Corrìga

Sa Segretària Comunale
F.du Dott.ssa Donatella Mancosu

ATESTADU DE PUBLICATZIONE

S'atestat chi còpia de sa deliberatzione est publicada in su situ istituzionale de su Comunu, atzessibile a su pùblicu, pro s'art. 32, comma 1, de sa Lege 69 de su 18/06/2009, partinde dae su 19/08/2019, pro abarrare bìndighi dies consecutivas, e in manera cuntestuale comunicada a is Grupos Consiliares.

Su 25/11/2019

Sa Segretària Comunale
F.du Dott.ssa Donatella Mancosu

Còpia cunforme a s'originale pro impreu amministrativu

Su 25/11/2019

Su Missu Notificatore
F.du Dott. Paolo Carta